

**KANTONALNA  
PRIVREDNA  
KOMORA TUZLA**

**BROJ 7 i 8/16,  
juli/avgust  
2016. godine**



# **KOMORSKI INFORMATOR**



**SAJAM "INOCOOP-2016"  
OD 25. DO 27. AVGUSTA  
U ZRENJANINU**



**14. SAJAM "EKOBIS"  
OD 8. DO 11.9.  
U BIHAĆU**



**5. MEĐUNARODNI SAJAM  
"ZDRAVO-DOMAĆE-  
PRIRODNO"  
30.9.-1.10. U ZAJEČARU**



**"ZEPS 2016"  
OD 4. DO 8. OKTOBRA  
U ZENICI**

## Komorski informator

# Uvod

Poštovani čitaoci!



*Pred vama je naša novina „Komorski informator“, izdanje za juli i avgust. Evo samo nekoliko najava tekstova koje možete pročitati u ovom dvobroju:*

- *Delegacija Vlade i privrednika sa područja Tuzlanskog kantona učestvovala je na Trećoj konferenciji lokalnih lidera Kine i 16 zemalja srednje i istočne Evrope (CEEC), koja se održava u kineskoj provinciji Hebei*
- *Prezentovane mogućnosti Esotech-a u predstojećim velikim projektima izgradnje Bloka 7 Termoelektrane Tuzla i Termoelektrane Banovići*
- *Kantonalna privredna komora Tuzla u saradnji sa Federalnim ministarstvom pravde organizuje INSTRUKTIVNI PRIPREMNI SEMINAR ZA POLAGANJE PRAVOSUDNOG ISPITA 17.septembra*
- *Kantonalna privredna komora Tuzla, u saradnji sa Ekonomskim fakultetom Univerziteta u Tuzli, organizuje edukaciju “UPRAVLJANJE ŽIVOTNIM CIKLUSIMA ORGANIZACIJA PREMA METODOLOGIJI PROF. DR ISAKA ADIŽESA”*
- *Udruženje za trgovinu, ugostiteljstvo i turizam organizovalo redovnu sjednicu Odbora u proširenom sastavu. Tema: “aktuelna problematika u oblasti turističke djelatnosti sa akcentom na rad turističkih agencija na području Tuzlanskog kantona”*
- *Članovi Sekcije za prijevoz tereta u teretnom saobraćaju na području TK raspravljali su o nekoliko tačaka koje već duži period čine problematiku poslovanja u ovoj oblasti*
- *Sekcija za unutrašnji prijevoz putnika području TK organizovala redovnu sjednicu Odbora Sekcije. Tema: “Javna rasprava o Nacrtu Zakona o izmjenama i dopunama Zakona o cestovnom prijevozu na području Tuzlanskog kantona”*
- *Ministarstvo trgovine, turizma i saobraćaja TK je u prostorijama Kantonalne privredne komore Tuzla organizovalo okrugli sto sa ciljem sprovođenja što kvalitetnije javne rasprave vezane za donošenje Zakona o izmjenama i dopunama Zakona o cestovnom prijevozu na području TK*



Ako ovo nisu dovoljni razlozi da odvojite vrijeme i posvetite ga čitanju Komorskog informatora, onda dodajmo da novina donosi i informaciju o tome kako je najveći turski proizvođač i distributer namještaja Kelebek (Leptir) je u Tuzli otvorio svoj prvi prodajni salon u BiH, da Pivara Tuzla priprema novi proizvod za domaće i ino tržište. Tu su i novosti iz Vlade TK, iz Grada Tuzla, informacije o aktivnostima u firmama članicama Komore: Nipex, Omega, RMU Banovići, FCL, Dom penzionera, Međunarodni aerodrom Tuzla. Donosimo i najavu nastupa na nekoliko značajnih sajamskih manifestacija. Riječ je o sajmovima na kojima je Komora već tradicionalno prisutna sa zajedničkom sajamskom postavkom koju organizuje pod nazivom „Privreda TK“, kao što su „Ekobis“ Bihać, Sajam „Zdravo–Domaće–Prirodno“ Zaječar, „Zeps“ Zenica, sajam privrede Brčko Distrikt te najava sajma na kojem će se po prvi put pojaviti firme članice Komore Tuzla a u našoj organizaciji, XVII po redu Sajam inovacija, kooperacija i preduzetništva “INOCOOP 2016” Zrenjanin....

Dino Kalesić  
gl. i odg. urednik



## Komorski informator Sadržaj

### KANTONALNA PRIVREDNA KOMORA TUZLA

**KOMORSKI INFORMATOR  
BROJ 6 i 7/16,**  
juli/avgust  
2016. godine

**IZDAVAČKI SAVJET:**

1. Nedret Kikanović, član
2. Mirsad Kukić, član
3. Bajazit Jašarević, član
4. Suad Selimović, član
5. Nurudin Žunić

**REDAKCIJSKI KOLEGIJ:**

1. Nedret Kikanović, član
2. Esad Arnautović, član
3. Nurudin Žunić, član
4. Suad Selimović, član

**IZDAVAČ:**

Kantonalna privredna  
komora Tuzla

**GL. I ODGOVORNI UREDNIK:**

Dino Kalesić

**TEHNIČKA PRIPREMA,  
REPRO I ŠTAMPA:**

GRIN d.o.o. Gračanica

**ZA ŠTAMPARIJU:**

Anđan Imerović, direktor

**TIRAŽ:**

500 primjeraka.

**ADRESA:**

Trg slobode bb  
e-mail: [kpktz.ba@bih.net.ba](mailto:kpktz.ba@bih.net.ba)  
<http://www.kpktz.ba>

	PRIVREDNICI I KANTONALNA VLADA ZAJEDNO NA KONFERENCIJI LOKALNIH LIDERA U KINI	4
	SEMINAR ZA PRAVOSUDNI ISPIT 17. SEPTEMBRA	5
	AKTUELNA PROBLEMATIKA U OBLASTI TURISTIČKE DJELATNOSTI - RAD TURISTIČKIH AGENCIJA NA PODRUČJU TK	6
	ODRŽANA REDOVNA SJEDNICA SEKCIJE ZA PRIJEVOZ TERETA	7
	„NACRT IZMJENA I DOPUNA ZAKONA O CESTOVNOM PRIJEVOZU NA PODRUČJU TK“	8
	TURSKI KELEBEK OTVORIO U TUZLI PRVI PRODAJNI SALON U BIH	10
	AKTIVNOSTI U TE BANOVIĆI I U FCL	11
	SAJAMSKE AKTIVNOSTI – NAJAVA SAJMOVA	12, 13 i 14
	REOTVARANJE BEKO SHOPA U TUZLI	15
	NIPEX PREDSTAVIO NOVI TIGUAN	16
	GRAD TUZLA - NOVOSTI	18 i 19
	U DOMU PENZIONERA TUZLA USKORO SAVREMENA AMBULANTA	20
	VLADA TK - NOVOSTI	21 i 22



Posjeta kineskoj provinciji Hebei...

## Privrednici i Kantonalna Vlada zajedno na konferenciji lokalnih lidera u Kini

Učešće na Trećoj konferenciji lokalnih lidera Kine i 16 zemalja srednje i istočne Evrope



Delegacija Vlade i privrednika sa područja Tuzlanskog kantona predvođena premijerom TK Begom Gutićem učestvovala je na Trećoj konferenciji lokalnih lidera Kine i 16 zemalja srednje i istočne Evrope (CEEC), koja se održava u kineskoj provinciji Hebei. Tema ove, treće po redu, konferencije lokalnih lidera na kojoj je učestvovalo više od 50 lokalnih lidera 16 evropskih zemalja i 15 lidera kineskih provincija, bila je saradnja Kine i zemalja CEEC-a.


Konferencija je bila prilika da se na azijskom tržištu predstave potencijali i komparativne prednosti Tuzlanskog kantona, te da se privuku kineski investitori koji su zainteresirani za ulaganje u ovaj dio Evrope. Također, delegacija privrednika predstavila je svoje te mogućnosti i potencijale ostalih privrednih subjekata sa područja našeg kantona, a sve u cilju jačanja postojeće komercijalne razmjene, te stvaranja novih poslovnih kontakata.

„Ovo je bila prilika da naši uspješni privrednici ostvare saradnju sa kineskim privrednicima, da eventualno ponude svoje usluge na tržištu Kine. Mi imamo već kompanije koje posluju sa Kinom i to je pokazatelj da je naša privreda konkurentna i na ovom tržištu“, istakao je premijer Gutić. Osim delegacije Tuzlanskog kantona na Konferenciji učestvuju i delegacije Sarajevskog i Hercegovačkog – neretvanskog kantona predvođene premijerima Elmedinom Konakovićem i Nevenkom Hercegom.

### Razgovor o mogućoj saradnji

## Prezentacija mogućnosti Esotech-a u izgradnji bloka 7 TE Tuzla i TE Banovići

Razgovor o planovima i predstojećim energetske projektima u kojima će poslove metalne i građevinske industrije u velikom obimu obavljati domaće firme



Premijer Tuzlanskog kantona Bego Gutić primio je Roberta Hudournika i Iztoka Hrastela, direktore kompanije "Esotech" iz Velenja, usmjerene na visoku tehnologiju u energetici i ekologiji. Cilj posjete bila je prezentacija mogućnosti Esotech-a u predstojećim velikim projektima izgradnje Bloka 7 Termoelektrane Tuzla i

Termoelektrane Banovići. Napominjući da je energetska politika u nadležnosti Vlade Federacije Bosne i Hercegovine premijer Gutić je govorio o planovima i predstojećim energetske projektima u kojima će poslove metalne i građevinske industrije u velikom obimu obavljati domaće firme. Ne postoje prepreke, rečeno je ovom prilikom, da i Esotech uđe u te projekte. Iskustvo koje Esotech ima u prečišćavanju voda i ekologije kao i projektima koji se finansiraju sredstvima EU, prema riječima premijera Gutića, omogućuje im da konkurišu i u predstojećim projektima Vlade TK - zaštite najveće vodne akumulacije, jezera Modrac. Prema riječima tehnološkog direktora Hrastela, dijapazon anagažmana ove slovenske firme, već dugo prisutne na prostoru jugoistočne Evrope, kreće se od prečišćava otpadnih voda i zraka, sistema daljinskog grijanja, zamjene tehnologija u čeličana do odsumporavanja i ultrafiltracije najsavremenijom tehnologijom te transfera „know-how“ tehnologija.

D.K.



Iz Kantonalne privredne komore Tuzla...

## Seminar za Pravosudni ispit 17. septembra



KANTONALNA  
PRIVREDNA  
KOMORA TUZLA

Obavještavamo Vas da Kantonalna privredna komora Tuzla u saradnji sa Federalnim ministarstvom pravde organizuje INSTRUKTIVNI PRIPREMNI SEMINAR ZA POLAGANJE PRAVOSUDNOG ISPITA 17.septembra 2016.godine sa početkom u 9,00 sati u sali Kantonalne privredne komore Tuzla. Cilj seminara je da se diplomiranim pravnicima koji ispunjavaju zakonom propisane uvjete za polaganje Pravosudnog ispita omogući da steknu dodatna znanja i praktična iskustva od strane predavača iz pojedinih pravnih oblasti, imenovanih od strane Federalnog ministarstva pravde, te time olakšaju pripremu za izlazak na ispit. Seminar traje 120 časova i obradit će se ispitna materija iz krivičnog prava, građanskog prava sa porodičnim pravom, privrednog prava, upravnog i radnog prava i ustavnog sistema i organizacije pravosuđa. Predavači na seminaru su članovi/ispitivači Komisije za polaganje pravosudnog ispita. Seminar će se obavljati u velikoj sali Kantonalne privredne komore Tuzla u dane vikenda i prilagodit će se polaznicima. Molimo, ukoliko ste zainteresovani za učešće na navedenom seminaru da popunjenu prijavu koja se nalazi na našoj web stranici pošaljete na fax broj 035 369 552 ili e-mail komora@kpktz.ba. Kontakt osoba Milica Vujec, telefon broj 035 369 550. Kotizacija: 800,00 KM, po polazniku. U cijenu je uključen PDV. Navedeni iznos se može platiti u tri rate. Kotizacija se uplaćuje na žiro račun Komore: Sparkasse Bank dd Filijala Tuzla 199-507-00563329-56. PRIJAVNI OBRAZAC na [www.kpktz.ba](http://www.kpktz.ba)

## Upravljanje životnim ciklusima organizacija prema metodologiji prof. dr Isaka Adičesa



TUZLA CANTON  
Your Business Partner

Kantonalna privredna komora Tuzla, u saradnji sa Ekonomskim fakultetom Univerziteta u Tuzli, organizuje edukaciju "UPRAVLJANJE ŽIVOTNIM CIKLUSIMA ORGANIZACIJA PREMA METODOLOGIJI PROF. DR ISAKA ADIŽESA". Dr Isak Adičes kreirao je dijagnostičku i terapeutsku metodologiju organizacijskih promjena, u svijetu poznatu kao Adičes metodologija, kojom se veoma uspješno povećava efektivnost i efikasnost poslovanja kako profitno, tako i neprofitno orijentiranih organizacija danas se primjenjuje u preko 35 država svijeta. Više od hiljadu certificiranih konsultanata širom svijeta pruža konsultantske usluge organizacijama na bazi Adičesove metodologije. Ova metodologija je jedna od rijetkih konzistentnih i sažetih pristupa menadžmentu koji pruža objašnjenje kako organizacije rastu i kako se razvijaju i šta je potrebno učiniti da bi one funkcionisale na najbolji mogući način. Svojim objašnjenjem životnih ciklusa preduzeća, uloga menadžmenta, te njihovih međusobnih odnosa, ova metodologija ukazuje na razloge zašto se preduzeća i ljudi u njima ponašaju onako kako se ponašaju, kako će se njihovo ponašanje vremenom mijenjati i kako time upravljati. Edukacija u trajanju od 30 časova, namijenjena je svim nivoima menadžmenta u profitnim i neprofitnim organizacijama kao i svim ostalim zainteresovanim polaznicima. Edukacija će se organizovati u septembru i oktobru 2016.godine, a tačni termini će se dogovoriti sa polaznicima. Cijena edukacije je 570 KM + PDV po polazniku i moguće je izvršiti plaćanje u dvije rate. Polaznici imaju mogućnost i dobijanja licence Adizes Graduate School po cijeni od 250 USD. Popunjen prijavni obrazac možete dostaviti mailom na [edina@kpktz.ba](mailto:edina@kpktz.ba), faxom na 035 369 552 ili u prostorije Kantonalne privredne komore Tuzla, Trg slobode bb, nakon čega ćete dobiti upustvo za uplatu kotizacije. Za sve dodatne informacije možete se obratiti našem Centru za regionalnu saradnju, Edini Kurtić. PRIJAVNI OBRAZAC na [www.kpktz.ba](http://www.kpktz.ba)

D.K.



Iz Udruženja za trgovinu, ugostiteljstvo i turizam...

## Aktuelna problematika u oblasti turističke djelatnosti sa akcentom na rad turističkih agencija na području Tuzlanskog Kantona

Rasprava o brojnim problemima koji opterećuju turističku djelatnost – Komora za članice organizuje nastupe na kvalitetnim sajamskim manifestacijama - Interesovanje za saradnju iz Privredne komore županije posavske



Udruženje za trgovinu, ugostiteljstvo i turizam organizovalo je redovnu sjednicu Odbora u proširenom sastavu. Na dnevnom redu se našla aktuelna problematika u oblasti turističke djelatnosti sa akcentom na rad turističkih agencija na području Tuzlanskog kantona. Rezgovaralo se o brojnim temama, problemima koji opterećuju ovu oblast na području Tuzlanskog kantona već duži period. Odlučni su članovi Odbora da se nešto mora promijeniti, da je potrebna kvalitetnija organizacija i konkretnije djelovanje. Zaključeno je nakon diskusija da se formira Inicijativni odbor od tri člana predstavnika turističkih agencija koje djeluju na području ovog kantona. Zadatak Inicijativnog odbora je da organizuju sastanak predstavnika svih licenciranih turističkih agencija, kao i ostalih zainteresovanih agencija sa područja Tuzlanskog kantona na kojem će zajednički definisati probleme sa argumentima, nakon čega će se organizovati zvaničan sastanak Udruženja za trgovinu, turizam i ugostiteljstva sa resornim ministarstvima Vlade Tuzlanskog kantona na kojem bi se iznijeli svi navedeni problemi. I ovaj sastanak je bila prilika da se razgovara o sajamskim aktivnostima koje za svoje članice realizuje Kantonalna privredna komora Tuzla. Zahvaljujući kvalitetnoj međukomorskoj saradnji u zemlji i inostranstvu, Kantonalna privredna komora Tuzla je za svoje članice uspjela obezbijediti izložbeni prostor na kvalitetnim sajamskim manifestacijama na kojima se već tradicionalno realizuje zajednička izložbena postavka firmi iz Tuzlanskog kantona pod nazivom „Privreda TK“. Komora će ovu postavku realizovati do kraja godine na sajmovima u Gradačcu, Zrenjaninu, Bihaću, Zenici, Zaječaru i Brčkom. Sajamski štand na kojem će Komora predstavljati članice Udruženja i firme članice Komore, obezbjeđen je za članice Komore bez ikakve naknade. I ne staje se ovdje, kada je u pitanju međukomorska saradnja. Kasim Selimović predsjednik Odbora Udruženja je članove Odbora na ovom sastanku upoznao sa interesovanjem Privredne komore županije posavske – Orašje. Komora Orašje zainteresovana za saradnju sa Komorom Tuzla, kako bi se zajednički rješavali problemi koji su prisutni u obje regije, kako bi se zajednički radilo na jačanju komorskog sistema, povezivanju komora u široj regije, gradila kvalitetnija pozicija komora kod vlasti.

D.K.



Iz Udruženja za promet i komunikacije...

## Održana redovna Sjednica Sekcije za prijevoz tereta

Održana VI sjednica Odbora Sekcije za prijevoz tereta u teretnom saobraćaju na području TK



Članovi Sekcije za prijevoz tereta u teretnom saobraćaju na području TK raspravljali su o nekoliko tačaka koje već duži period čine problematiku poslovanja u ovoj oblasti. Diskutovalo se o isporuci uglja ZD Rudnik „Kreka“ doo Tuzla, radu na crno, tačnije, neovlaštenom bavljenju određenim djelatnostima te o reklamacijama na kvalitet isporučenog uglja ZD Rudnika „Kreka“ doo Tuzla. Problematika koja je dugo na dnevnom redu i koja zahtijeva, ne samo donošenje određenih zaključaka, nego i što efikasnije njihovo sprovođenje. Tako je zaključeno da se od Uprave ZD Rudnik „Kreka“ doo Tuzla zahtijeva obnavljanje ugovora o isporuci uglja za dugogodišnje kupce, ili da za postojeće ugovore koje ima sa kupcima uradi aneks za ovu godinu, kako bi mogli dalje isporučivati ugalj. Da se prodaja uglja sa jame Mramor, površinskog kopa Šikulje i Dubrave vrši isključivo na osnovu predračuna, tj. da sve uplate idu putem žiro računa. Zaključeno je da se shodno sadašnjoj prosječnoj dnevnoj proizvodnji iz jame Mramor izvrši slijedeća raspodjela za utovar uglja na dnevnoj osnovi: 20 tona dnevno za vlastite potrebe rudnika „Kreka“, 30 tona dnevno za potrebe građanstva i 70 tona dnevno za preduzeća koja imaju ugovore sa Rudnikom „Kreka“. Ovakav prijedlog treba da se usaglasi na zajedničkom sastanku između predstavnika Sekcije i ZD Rudnika „Kreka“ doo Tuzla. Članovi Sekcije su saglasni da se u ime Sekcije uputi dopis ZD Rudniku „Kreka“ doo Tuzla u kojem se traži da se preispita neovlašteno bavljenje djelatnostima prometa uglja od strane samostalnih prevoznika i rada na crno a sve u skladu sa Zakonom o obrtu i srodnim djelatnostima (Sl. novine FBiH 35/9 od 25.5.2009. godine). U ovom Zakonu je navedeno da samostalni prevoznik može obavljati isključivo usluge prijevoza, a promet roba, dobara može obavljati samo za vlastite potrebe tj. (gorivo, repromaterijal za vozila i sl.). Ne može se samostalni prijevoznik baviti prometom roba koje prevozi i shodno tome, apel je Sekcije, da se pri budućoj prodaji uglja odgovorni rukovode pozitivnim zakonskim propisima, tj. da samostalni prijevoznici mogu obavljati samo usluge prijevoza za treća lica. Napomenuto je da samostalni prijevoznici ne mogu vršiti ni kompenzacije za robe koje prevoze, rečeno je u raspravi o napravnostima u radu. Kada je riječ o kvalitetu isporučenog uglja, nakon iscrpne diskusije članovi Sekcije donijeli su zaključak da se uputi dopis ZD Rudniku „Kreka“ doo Tuzla u kojem se traži da se adekvatno aktivira Komisija za reklamaciju kvaliteta isporučene robe (uglja) za kranjeg kupca. Na kraju sastanka, Odbor Sekcije je pozvao Ministarstvo trgovine, turizma i saobraćaja Tuzlanskog kantona da zajedno sa inspeksijskim organima i Ministarstvom unutrašnjih poslova Tuzlanskog kantona izvrši potpunu i adekvatnu kontrolu svih prijevoznika koji vrše prijevoz uglja iz ZD Rudnik „Kreka“ doo Tuzla uključujući i prevoz ZD Rudnik „Kreka“ doo Tuzla, jer već duže vrijeme uočene su određene nepravilnosti kod nepostojanja licenciranih dozvola za vozila i vozače koji učestvuju u prevozu uglja.

D.K.



Iz Udruženja za promet i komunikacije...

## “Javna rasprava o nacrtu Zakona o izmjenama i dopunama Zakona o cestovnom prijevozu na području Tuzlanskog Kantona”

Održana redovna sjednica Sekcije za unutrašnji prijevoz putnika području TK

Sekcija za unutrašnji prijevoz putnika području TK koja djeluje u okviru Udruženja za promet i komunikacije Kantonalne privredne komore Tuzla, organizovala je redovnu sjednicu Odbora Sekcije. Tema sastanka je bila “Javna rasprava o Nacrtu Zakona o izmjenama i dopunama Zakona o cestovnom prijevozu na području Tuzlanskog kantona”. Kako je istaknuto, Nacrt Zakona o izmjenama i dopunama Zakona o cestovnom prijevozu na području TK je dobro urađen i sa svim izmjenama i dopunama usvojen. Kada je u pitanju skidanje table sa taksi vozila a što se konkretno odnosi na taksiste iz Kalesije, dogovoreno je da svoje Kalesije svoje primjedbe i prijedloge dostave pismeno Ministarstvu trgovine, turizma i saobraćaja Tuzlanskog kantona.



Saopštenje sa okruglog stola na temu:

## “Nacrt izmjena i dopuna Zakona o cestovnom prijevozu na području TK”

Ministarstvo trgovine, turizma i saobraćaja TK je u prostorijama Kantonalne privredne komore Tuzla organizovalo okrugli sto sa ciljem sprovođenja što kvalitetnije javne rasprave vezane za donošenje Zakona o izmjenama i dopunama Zakona o cestovnom prijevozu na području TK. Učešće na okruglom stolu uzeo je veliki broj zainteresiranih fizičkih i pravnih lica koja se bave djelatnošću prijevoza putnika i tereta, predstavnici Kantonalne uprave za inspeksijske poslove TK, predstavnici Ministarstva unutrašnjih poslova TK, predstavnici Kantonalne privredne komore - Sekcija za unutrašnji promet putnika, predstavnici Kantonalnih i općinska udruženja taksi prijevoznika sa područja općina/grada Tuzla, kao i druga pravna i fizička lica koje tretira navedeni Zakon. Kroz sadržajnu i konstruktivnu diskusiju svih učesnika na okruglom stolu pohvaljena su nastojanja Ministarstva na zakonskom uređivanju oblasti prijevoza putnika i tereta, odnosno nastojanja da se na kvalitetniji način uredi oblast koju tretira navedeni Zakon. Takođe, još jednom su razmatrana ponuđena zakonska rješenja, te je ostavljena mogućnost da svi zainteresovani subjekti mogu dostaviti eventualne primjedbe, prijedloge i sugestije nadležnom Ministarstvu sa ciljem kreiranja što kvalitetnijeg Prijedloga Zakona o izmjenama i dopunama Zakona o cestovnom prijevozu na području TK. Ministarstvo će u najkraćem roku sumirati rezultate javne rasprave te će Vladi TK ponuditi prijedlog Zakona o izmjenama i dopunama Zakona o cestovnom prijevozu na području TK na usvajanje.

Ministarstvo trgovine, turizma i saobraćaja TK





Agencijske vijesti...

# Rudnici smanjili gubitak za 13,8 miliona KM




Sedam rudnika koji posluju u okviru koncerna „Elektroprivrede BiH“ (EPBiH) smanjilo je u prvoj polovini ove godine gubitak u poslovanju u odnosu na isti period lani za 13.854.444 miliona maraka, piše „Dnevni avaz“. Lani su rudnici u prvoj polovini godine zabilježili gubitak od 44,8 miliona KM, a za isti period ove godine gubitak iznosi tačno 31 milion KM. To je rezultat mjera koje su predložili Ministarstvo energije i rudarstva FBiH i ministar Nermin Džindić u saradnji s Elektroprivredom BiH, a na osnovu odluke da se prati dnevna proizvodnja uglja i da se izvrši racionalizacija svih troškova. Ostvaren je i značajan napredak kada su u pitanju prihodi za isti period. Tako su prihodi za 11.635.071 KM veći od onih ostvarenih u prošloj godini, ali kada se analiziraju troškovi i rashodi svih rudnika za pola godine, oni su za 2.219.374 KM manji nego lani. Pojedinačno gledajući, Rudnik Kreka smanjio je gubitak za oko 3,2 miliona KM. Lani je gubitak bio 17,5 miliona KM, a u prvoj polovini ove godine iznosi 14,3 miliona KM. Rudnik Đurđevik 2015. je imao gubitak od 4,4 miliona KM, a za pola ove godine poslovao je u plusu s ostvarenih 752.478 KM. Rudnik Kakanj u prvoj polovini prošle godine ostvario je gubitak od 9,8 miliona KM, a ove 5,2 miliona KM, što je razlika od 4,6 miliona KM. I Rudnik Breza smanjio je gubitak u prvoj polovini ove godine. Lani je on iznosio 6,7 miliona, a ove godine 5,7 miliona KM. Rudnik Zenica smanjio je gubitak za oko dva miliona KM, s lanjskih 9,5 miliona na 7,4 miliona KM. Travnički rudnik „Abid Lolić“ smanjio je gubitak za pola ove godine u odnosu na isti period lani za 369.281 KM, dok je najveći „kiks“ imao Rudnik Gračanica. Oni su prošle godine poslovali u plusu, ostvarivši dobitak od 3,8 miliona KM, a ove godine svega 1,4 miliona KM, što je za 2,4 miliona KM manje.

# U prvih šest mjeseci 2016. BiH najviše izvozila u Njemačku, a najviše uvozila iz Hrvatske

WANJSKOTRGOVINSKA RAZMJENA BiH SA INOSTRAINSTVOM I NZEMSTVOM\*  
OBIM TRGOVINE HAJDŽANILIN I WANJSKOTRGOVINSKI PARTNERI BiH

država	I-II-2016		
	IZVOZ	UVOZ	OBIM
Hrvatska	491.483	1.164.185	1.655.668
Njemačka	268.287	917.271	1.185.558
Srbija	306.510	1.082.688	1.489.198
Italija	679.252	779.675	1.458.927
Slovenija	391.332	725.660	1.116.992
Austrija	378.585	651.891	1.030.476
Turska	157.401	769.373	926.774
Mađarska	101.213	387.456	488.669
Švicarska	67.670	251.620	319.290
Holandija	98.343	375.151	473.494
Poljska	45.085	191.283	236.368
Velika Britanija	24.289	173.242	197.531
ostalo zemlje	1.228.135	1.385.267	2.613.402
UKUPNO	4.654.338	7.884.672	12.539.010



država	I-II-2016			I-II-2015			država	I-II-2016		
	IZVOZ	UVOZ	OBIM	IZVOZ	UVOZ	OBIM		IZVOZ	UVOZ	OBIM
Hrvatska	357.657	809.127	1.166.784	358.657	524.204	882.861	Srbija	11.450	80.628	92.078
Njemačka	594.131	644.548	1.238.679	358.655	241.246	600.901	Turska	58.759	34.721	93.480
Italija	318.195	515.504	833.700	133.968	152.270	286.238	Hrvatska	12.542	31.118	43.660
Slovenija	252.250	365.636	617.886	128.978	183.026	312.004	Mađarska	18.269	3.373	21.642
Srbija	184.431	485.796	670.227	161.821	228.575	390.396	Poljska	2.182	11.532	13.714
Austrija	243.284	299.173	542.457	111.017	75.881	186.898	Kina	1	15.124	16.124
Turska	68.081	222.151	290.232	16.411	140.670	157.081	Mađarska	2.084	5.028	7.112
Mađarska	61.081	215.134	276.215	22.521	112.121	134.642	Njemačka	3.981	1.638	5.619
Holandija	62.115	133.695	195.810	37.068	60.586	97.654	Slovenija	3.585	1.658	5.243
Poljska	28.484	153.230	181.714	66.964	133.75	200.719	Austrija	3.069	3.224	6.293
Švicarska	43.525	99.883	143.408	38.417	30.573	68.990	Poljska	2.127	1.341	3.468
Češka Republika	62.211	131.344	193.555	42.125	25.698	67.823	Neopoznatu državu	0	1.151	1.151
ostalo zemlje	808.262	926.707	1.734.969	261.033	398.419	659.452	ostalo zemlje	11.265	20.725	31.990
UKUPNO	3.080.815	5.168.196	8.249.011	1.477.805	2.116.714	3.594.519	UKUPNO	131.254	273.913	405.167

Prema podacima Uprave za indirektno oporezivanje i Vanjskotrgovinske komore BiH je u prvih šest mjeseci ove godine imala ukupan obim od 12 milijardi i 379 miliona KM vanjskotrgovinske razmjene. Najznačajniji partneri za našu zemlju su Njemačka, u koju smo izvezli robe u vrijednosti od 760 miliona KM, dok smo iz Hrvatske uvezli robe u vrijednosti milijardu i 164 miliona KM. Pored Njemačke BiH najviše je izvozila u Italiju (580 miliona KM) te Austriju (370 miliona KM). U prvih šest mjeseci BiH je u Tursku izvezla robe u vrijednosti od 158 miliona KM. Kada je riječ o uvozu, nakon Hrvatske najviše uvozimo iz Srbije (milijardu i 82 miliona KM), Njemačke (817 miliona KM), Italije (770 miliona KM), Slovenije (725 miliona KM) te Austrije (401 milion KM). Kada su u pitanju entiteti FBiH je imala obim od osam milijardi i 250 miliona KM udjela u vanjskotrgovinskoj razmjeni, dok je Republika Srpska imala tri milijarde i 596 miliona KM. Najveću pokrivenost uvoza izvozom BiH ima sa Njemačkom i to 93 posto, Austrijom 92 posto, Italijom 75 posto te Holandijom 56 posto. Sa Hrvatskom BiH ima 42 posto, a sa Srbijom 33 posto. Ukupna trgovinska razmjena BiH sa zemljama Evropske unije iznosi osam milijardi i 260 miliona KM, a sa zemljama CEFTA-e milijardu i 838 miliona KM. Za prvih šest ove godine BiH je najviše izvozila sjedišta i dijelove za sjedišta, zatim obuću, drvo, električnu energiju, aluminij i dr. Najviše smo uvozili naftu i naftne derivate, automobile, lijekove, govede kože, električne aparate i drugo. Prema dostupnim podacima jasno je da BiH izuzev Njemačke i Austrije ima izuzetno nisku pokrivenost uvoza izvozom, a naročito sa prvim susjedima Hrvatskom i Srbijom.

D.K.



Velika investicija u TK...

## Turski Kelebek otvorio u Tuzli prvi prodajni salon u BiH



Najveći turski proizvođač i distributer namještaja Kelebek (Leptir) je u Tuzli otvorio svoj prvi prodajni salon u Bosni i Hercegovini. Salon je smješten u bivšoj zgradi "Poliuretanske hemije", u industrijskoj zoni zapad, u modernom izložbeno-prodajnom prostoru, veličine 4500 m<sup>2</sup>. Tim povodom gradonačelnik Tuzle Jasmin Imamović prisutvovao je otvorenju prodajnog salona, namještaja Kelebek, čiji vlasnik je i predsjednik Udruženja tursko-bosanskohercegovačkih privrednika Abdurrahman Uvak. „Naš strateški cilj je 4000 radnih mjesta za četiri godine, računajući od praznika rada 1. maja. 2016. godine. Ovakve investicije, poput investicija koje vodi poduzetnik iz Republike Turske, Abdurrahman Uvak, taj cilj čine realnim. Gospodin Abdurrahman je u svom govoru rekao da će do polovice iduće godine imati do 400 uposlenika”, kazao je Imamović te dodao da se uz najavljene investicije Binga, Intrala, BIT centra u Tuzli očekuje skoro zapošljavanje od 1300 do 2000 novih radnika u Tuzli. Nermin Hodžić, ministar razvoja i

poduzetništva u Vladi Tuzlanskog kantona, smatra da je, osim novih radnih mjesta, važno i to što se ovaj kanton prepoznaje kao prostor za investiranje. “Još bitnija je činjenica da ovakvi projekti predstavljaju iskorak u prepoznatljivosti Tuzlanskog kantona kao mjesta gdje je dobro investirati i gdje se dobro posluje” smatra Hodžić. Uvak je u otvorenje prodajnog salona uložio 3 miliona KM.



Kelebek se nalazi u bivšoj zgradi "Poliuretanske hemije" u industrijskoj zoni zapad, a svojim kupcima nudi najmoderniji namještaj i proizvode iz svog širokog asortimana, jednog od najvećih evropskih proizvođača. Inače, Kelebek Mobilya je jedan od prvih proizvođača namještaja u Turskoj. Uspješno rade od 1935. godine, danas su lider na turskom tržištu, a svoje proizvode danas izvoze u 15 zemalja. Od 2012. godine vlasnik Kelebeka je Doğtaş, također poznati proizvođač namještaja koji već uspješno posluje u BiH.

Novo iz Pivare Tuzla

## Uskoro u prodaji energetska piće, kreirana light cola za Tursko tržište



U Pivari Tuzla nedavno su kreirali dva nova proizvoda za domaće i ino tržište. Energetska piće "Fenix" uskoro će se naći na policama velikih trgovačkih centara u BiH, dok je za tursko tržište puštena linija "Big boss light cola". – Obogaćujući asortiman i izlazeći u susret mladim i energičnim potrošačima, Pivara Tuzla je pokrenula distribuciju Fenix energy drink, osvježene koje nudi dodatnu dozu energije i inspiracije za svakodnevne ambicije i izazove. Riječ je o energetsom napitku vrhunske kvalitete, koje se proizvodi po zahtjevnim licenciranim recepturama. Vjerujemo da će svi koji ga probaju prepoznati njegovu izvrsnost i posebnost – ističu u Pivari Tuzla.

D.K.



Iz privrede Tuzlanskog kantona...

## Uskoro pripremni radovi za gradnju termoelektrane u Banovićima



Ukupni troškovi izgradnje termoelektrane u Banovićima će iznositi blizu 520 miliona eura, a pripremni radovi će najvjerojatnije početi do kraja ove godine, izjavio je u razgovoru za Faktor Munever Čergić, direktor Rudnika mrkog uglja Banovići. Gotovo sve potrebne procedure za početak ovog velikog projekta su okončane, a rukovodstvo banovičkog rudnika nedavno je dobilo i nacrt ugovora od banke. "Sada moramo pregledati ugovor, i ako eventualno bude nekih odstupanja, moramo se usaglasiti. Nakon toga se ponovo ide u proceduru u Vladu i Parlament Federacije BiH za odobrenje konačnog davanja saglasnosti za izdavanje garan-

cije", kazao nam je Čergić. U međuvremenu, pojašnjava direktor, Ministarstvo finansija treba da završi nacrt garancije, koji će se usaglasiti sa bankom i osiguranjem. Time bi sve procedure bile završene. "Ne znam koliko će to trajati. U najgoroj varijanti to bi se moglo završiti do novembra, ali se nadamo da se može završiti i do kraja septembra. Dakle, u naredna dva mjeseca. Onda bismo zvanično potpisali ugovor i odredili datum s kojim ugovor stupa na snagu. To će u svakom slučaju biti do kraja godine", kazao nam je Čergić. Nakon što ugovor u narednim mjesecima stupa na snagu, proces će se nastaviti dalje, te će započeti izrada izvedbenog projekta. "Ukupno 40 mjeseci je potrebno za projektiranje, gradnju i puštanje u pogon termoelektrane. Ove godine će se pristupiti pripremim radovima, pripremi lokacije. Dok se bude projektiralo, radit će se na tome i na objektima u kojima će radnici živjeti. Valja 40 mjeseci živjeti na terenu", kazao nam je Čergić. Kada je riječ o cijeni izgradnje termoelektrane, onaje ostala ista. Kako nam je pojasnio direktor, sa bankom su postignuti povoljniji uvjeti, a ostale stvari koje su dogovorene, ne mijenjaju se. "Vrijednost radova i opreme je 405 miliona eura. Uz to, ima još raznih toškova. Tu je priključak na mrežu, plaćanje carine, plaćanje PDV-a, naknade za banke... Dakle, ukupni troškovi, kada se zatvori cjelokupna finansijska konstrukcija, iznose blizu 520 miliona eura", kazao nam je Čergić. Strateški partner za izgradnju termoelektrane je kineska kompanija Dongfang Electric Corporation Limited (DEC). Ugovor sa ovom kompanijom Čergić je potpisao krajem novembra 2015. godine.

## Fabrika cementa Lukavac rebrendira poslovne aktivnosti



Širenjem poslovanja na segment betona Fabrika cementa Lukavac odlučila je da postojeću tržišnu marku FCL razdvoji na dva brenda Lukavac Cement i Lukavac Beton. Dokaz je to kontinuiranog rada na modernizaciji i unapređenju proizvodnje, koji je menadžment kompanije započeo 2001. godine uspješnom privatizacijom od strane austrijske grupacije ASAMER. Prepoznatljiva kao najveći domaći proizvođač cementa, fabrika ulazi u segment proizvodnje betona, pa se kao logičan slijed stvorila potreba o izgradnji novog brenda ali i rebrendiranju postojećeg. "Mi smo sinonim za

proizvodnju cementa, a širenjem poslovnog programa na beton odlučili smo da prema tržištu komuniciramo sa dva nova brenda, Lukavac Cement i Lukavac Beton. U ovom trenutku beton će se proizvoditi u novim pogonima u Sarajevu i Banjoj Luci, sa namjerom širenja mreže po cijeloj zemlji u skladu sa potražnjom. Svakodnevno osluškujemo zahtjeve tržišta, iznalazimo i nudimo rješenja, pratimo svjetske trendove i implementiramo najbolje, tako da smo sigurni da će Lukavac Beton brzo postati prepoznatljiv po svojoj kvaliteti, kao što je Lukavac Cement" poručio je Izet Imamović, generalni direktor Fabrike cementa Lukavac. Repozicioniranje brenda i izgradnja novog dio je poslovne strategije menadžmenta Fabrike cementa Lukavac i kruna 15 godina čvrste veze koju gradi s kupcima. Značajno je za budući razvoj kao i vrednovanje onoga što kompanija jeste te u kojem pravcu će se razvijati. "Želimo biti pouzdan poslovni partner u okruženju i prvi izbor za kupca. Novine u poslovanju prati i novi vizuelni identitet. Redizajn loga simbolizira našu vezu s matičnom kompanijom, dok izmjena tekstualnog dijela loga u Lukavac cement ukazuje na ono što mi jesmo, vodeći proizvođač cementa u zemlji, a Lukavac beton upućuje kupce na pouzdanog i kvalitetnog partnera u gradnji", istakao je Imamović. Fabrika cementa Lukavac, posluje ispunjavajući najstrožije ekološke standarde, a prelaskom na upotrebu alternativnih goriva u proizvodnji, dokazuje da se svjetski tehnološki trendovi mogu primijeniti u srcu naše zemlje.

D.K.



U susret 14. sajmu "Ekobis" u Bihaću...

## Tema sajma „Ekobis 2016“ goruća za cijelu regiju – o(p)stanak!



Aktivnosti na organizaciji sajma „EKOBIS 2016“ zahuktavaju se punom parom. Već 5 održanih sjednica Direkcije sajma, značajne marketinške i programske aktivnosti ali i novosti! Novost ovogodišnje najveće međunarodne ekološke sajamske manifestacije u regiji nije samo nova lokacija sajma – kompleks Sportskorekreativnog centra „Luke“, nego i tema sajma: „O(p)stanak“! Tema je goruće pitanje za čitavu regiju kako s aspekta održivog O(P)STANKA, tako i s aspekta razvoja za O(P)STANAK.

### • čemu se radi?

O zaustavljanju odliva mladih u inozemstvo „trbuhom za kruhom“ i njihovom ostanku i samozapošljavanju pokretanjem vlastitog biznisa ili stvaranju povoljnijih uvjeta za povratak ljudi iz dijaspore i pokretanju posla u svojoj zemlji ili o oboje? Tema se iskristalizirala upravo s ciljem pružanja pomoći ljudima koji imaju dobre ideje, a nemaju sredstava da ih razviju te pokrenu biznis uz minimalna sredstva, a povratnike da ulože sredstva i omoguće zapošljavanje kreativnim mladim ljudima kojima je potreban mali poticaj, kroz iniciranje njihove kreativnosti i ideja, te povezivanje i realizaciju do pokretanje biznisa. Top temom sajma želja je potaknuti i eventualno stvaranje mreže inkubatora za razvoj start-up-a, pokretanje kreditnih linija po povoljnim uvjetima, stvaranje garancija malim firmama i obrtnicima, s naglaskom na važnost obrazovanja i konkretnu primjenu stečenih znanja kroz ukazivanje na realne probleme i konkretna rješenja. Temom 14. Međunarodnog ekološkog sajma „EKOBIS 2016“ namjerava se problem odlaska mladih u inozemstvo pretvoriti u rješenje – RAZVOJ ZA O(P) STANAK na području kako Unsko-sanskog kantona tako i Bosne i Hercegovine, ali i ponuditi rješenje primjenjivo na cijelu regiju! Velik izazov – nema šta!

## Brand i tradicija na 14. Međunarodnom ekološkom sajmu „Ekobis 2016“



Dug je i mukotrpan put do stvaranja tradicije i branda na bilo kom polju, pa tako i u sferi organizacije sajma. Taj mukotrpan put kroz proteklih 13. godina prošao je i Međunarodni ekološki sajam, na tom putu, zajedno sa sajmom EKOBIS su i njegovi stalni izlagači. Oni su općenito prepoznali svoj interes na ovakvoj sajamskoj priredbi, te se svake godine pojavljuju, dajući svojim nastupima svaki put nešto drugačije, inovativnije, nešto što će biti tema razgovora i poslije sajma. Ovaj put navest ćemo jedan dio njih, a u tu grupu svakako spadaju MEGGLE MLJEKARA Bihać, BIHAČKA PIVOVARA Bihać, AUSTROTHERM BH Bihać, BH TELECOM Sarajevo, MEDENA Virovitica, MIX Orašje, UNSKO-SANSKE ŠUME Bosanska Krupa, NP UNA Bihać, TURISTIČKA ZAJEDNICA USK te mnogi drugi. Kako u ovom izlagačkom djelu tako i u djelu maloprodaje „nemoguće“ je sajam zamisliti bez LENATEKS-a iz Velike Kladuše, ali i onog iz Srbca, BS KOBRE Bosanska Otoka, PČELARSTVA BAŠAGIĆ Cazin, LJEKOBILJE ORHIDEJA Bihać, SLATKE TAJNE Brčko, SLATKE VAROŠI Gračanica i mnogih drugih. Svi su oni potvrdili svoje učešće na ovogodišnjem sajmu i umnogome će doprinijeti njegovoj uspješnoj realizaciji. Sve ovo naravno, prepoznaju i posjetioци, što je prošle godine rezultiralo najvećom posjetom do sada, a nerijetki su oni koji su posjećivali sajam i uživali u njegovim sadržajima svaki dan. Uvjereni smo da će tako biti i ove godine.

D.K.



## Najava sajamskih aktivnosti...

### 14. SAJAM "EKOBIS" OD 8. DO 11.9. U BIHAĆU



Iskoristite pogodnosti rane prijave se za učešće na 14. međunarodnom ekološkom sajmu "EKOBIS 2016" koji će se održati u Bihaću od 8. do 11.09.2016. godine. Sajam "EKOBIS" je manifestacija ekologije, ekoturizma i ekološke industrije koju organizuje Privredna komora Unsko-sanskog kantona već 13 godina. Sajam EKOBIS pokrenut je 2003. godine, nalazeći uporište u postojećim resursima ovog područja i viziji budućeg razvoja. On predstavlja unikatnu, međunarodnu, poslovnu manifestaciju sajamskog, selektivnog karaktera, vezanu za ekološke tehnologije uopće. Pored klasičnog, sajamskog dijela, koji ima izložbeno – prodajni karakter, u kojem se u proteklih 10 godina predstavilo preko 1500 izlagača iz 15 zemalja, EKOBIS je prepoznatljiv po tome što se uz svaku priredbu organiziraju i bogati edukacijski programi – okrugli stolovi, stručni skupovi, prezentacije i promocije firmi, proizvoda i projekata, poslovni susreti privrednika, ekološke akcije, dječje ekološke radionice, gastro-festival, kulturno-umjetnički i sportsko-rekreacijski sadržaji i dr. Do sada je realizirano preko 260 ovakvih sadržaja, a sajam je posjetilo preko 100 000 posjetioca. Zbog ovakvog načina koncepcije EKOBIS je postao novi poslovni proizvod Unsko-sanskog kantona, moderna poslovna manifestacija za koju iz godine u godinu pokazuju sve veći interes, kako domaći tako i strani izlagači i poslovnih ljudi, a ovo potvrđuje i činjenica da smo za njega dobili priznanje za najbolji regionalni projekt na principima održivog razvoja u jugoistočnoj Evropi. Sajam EKOBIS je mjesto za brojne i sadržajne poslovne kontakte, prilika da se na jednom mjestu upoznaju istomišljenici, izmjene iskustva, razgledaju najnovija dostignuća u proizvodnji i tehnologijama, spoznaju naučni trendovi te da se susretnu proizvođači i prerađivači sa trgovcima i potrošačima. Sajam će se održati u periodu od 08. do 11.09.2016. godine. Više informacija o sajmu kod organizator sajma:

Privredna komora Unsko-sanskog kantona,  
Bihać, 77 000, Bosna i Hercegovina, Trg Maršala Tita bb,  
Telefoni: +387 (0)37 316 350  
Fax: +387 (0)37 316 351, +387 (0)37 316 352,  
E-mail: pkusk@bih.net.ba  
Web: www.pkusk.com.ba,  
Kontakt osoba Enes Ružnić Mob. +387 (0) 61 419 301.

### 5. MEĐUNARODNI SAJAM "ZDRAVO-DOMAĆE-PRIRODNO" 30. 9. - 1.10. U ZAJEČARU



Regionalna privredna komora Zaječar Vas, sa velikim zadovoljstvom, poziva da učestvujete na 5. međunarodnom sajmu tradicionalnih domaćih proizvoda Zaječar, 2. sajmu finansiranja i 1. sajmu turizma, 30. septembar - 01. oktobar 2016. godine. Sajam „ZDRAVO-DOMAĆE-PRIRODNO“ će biti organizovan na platou grada Zaječara, 2. sajam finansiranja i 1. sajam turizma će biti održani u sali Nacionalne agencije za regionalni razvoj - NARR, Trg oslobođenja bb u Zaječaru. Tokom sajma RPK Zaječar će učesnicima i posetiocima pripremiti prateći program kroz edukativne seminare, prezentacije kao i degustacije proizvoda. Izlagačima je obezbeđen BESPLATAN izlagački prostor, a za sve posetioce sajma ulaz je besplatan. Sajam „ZDRAVO-DOMAĆE-PRIRODNO“ biće organizovan po svim standardima važećim za ovakvu vrstu manifestacije uz odgovarajuću medijsku promociju putem sredstava javnog informisanja lokalnog i šireg karaktera. Ova jedinstvena manifestacija održava se sa ciljem promocije tradicionalnih, domaćih proizvoda i prava je prilika za širenje tržišta prirodnih proizvoda, povećanje proizvodnje i plasmana, ali i za razmenu znanja i iskustava. Najavljeno je učešće većeg broja izlagača iz Srbije, zemalja u okruženju i EU. **Ukoliko želite da učestvujete na sajmu „ZDRAVO-DOMAĆE-PRIRODNO“ potrebno je da popunjenu prijavu pošaljete najkasnije do 9. septembra 2016. godine. Prijave dostaviti na:**  
e-mail: [ivan.stojkovic@rpka.rs](mailto:ivan.stojkovic@rpka.rs), [dijana.dijanovic@rpka.rs](mailto:dijana.dijanovic@rpka.rs) ili  
tel/fax +381 19 421 411.

- I Sajam FINANSIRANJA u Zaječaru pružiće priliku da se na jednom mestu okupe predstavnici banaka iz celog regiona i šire, kao i osiguravajuće kuće, pa će tako svi učesnici moći da predstavljaju svoju ponudu građanima i privrednicima. Dobro iskustvo od prošle godine rezultiralo je ponavljanjem ove manifestacije.
- Novina ove godine je I SAJAM TURIZMA. U toku održavanja sajma „Zdravo-domaće-prirodno“ Regionalna privredna komora Zaječar se odlučila i na realizaciju Sajma turizma, koji će kao takav po prvi put biti organizovan na teritoriji koju pokriva zaječarski i borski okrug. Svi učesnici će biti u prilici da promoviraju turističke potencijale svog mesta, kulturno bogatstvo, ali i etnološko nasleđe. Značaj je neizmerno veliki, jer se samim održavanjem ove manifestacije i predstavljanjem različitih turističkih potencijala jača, ali i podiže na viši nivo turistička ponuda celog regiona.

D.K.



## Najava sajamskih aktivnosti...

### SAJAM "INOCOOP-2016" OD 25. DO 27. AVGUSTA U ZRENJANINU



Upravni odbor Regionalne privredne komore Zrenjanin je doneo Odluku da se i ove 2016. godine od 25. do 27. avgusta, u zrenjaninskoj Hali sportova "Medison" održi XVII po redu Sajam inovacija, kooperacija i preduzetništva "INOCOOP 2016". Organizatori Sajma su Regionalna privredna komora Zrenjanin i Opšte udruženje preduzetnika Zrenjanin u saradnji sa Turističkim centrom grada Zrenjanin. Na Sajmu će učestvovati veliki broj preduzetnika, preduzeća, banaka, fondova, investitora i drugih poslovnih ljudi iz zemlje i inostranstva. Prisustvo stranih izlagača i učesnika, daje ovom Sajmu međunarodni značaj i predstavlja šansu za uspostavljanje kontakata i saradnje sa partnerima iz inostranstva. Prijava za učešće, Galerija fotografija 2015, Izgled štandova, Smeštaj, Lokacija sajma, i sve dodatne informacije mogu se dobiti u Regionalnoj privrednoj komori Zrenjanin na telefon 023/535-890 ili na sajtu Komore [www.rpkzr.org](http://www.rpkzr.org).

### "ZEPS 2016" od 4. do 8. OKTOBRA U ZENICI



23. GENERALNI BH SAJAM ZEPS 2016.

U toku su pripreme za realizaciju 23. Generalnog bh. sajma ZEPS 2016 koji će biti održan u periodu od 04 -08. oktobra 2016. godine u Zenici. Sajam je opšti, koncipiran po cjelinama-sajamskim blokovima a svaki sajamski blok predstavlja zasebnu izložbu određene oblasti i proizvodne grane. Prema do sada iskazanom interesu firmi iz BiH, kao i firmi iz zemalja okruženja, ovaj poslovno-promotivni događaj ima sve predušlove da bude interesantno mjesto za promociju i prezentaciju Vaših proizvoda i usluga, za prikupljanje novih poslovnih kontakata, uspostavljanje novih poslovnih angažmana, kao i dobivanje informacija o konkurenciji. Na Sajmu će se i ove godine predstaviti niz proizvoda i usluga iz tridesetak zemalja. Kolektivni nastup na Sajmu su najavile, tradicionalno, i privredne komore susjednih zemalja, koje su u svoj program sajmovova uvrstile ZEPS. U vrijeme Sajma biće održan i veliki broj stručnih pratećih skupova, neki već tradicionalni (Forum metalaca BiH, Poslovni susreti privrednika, Okrugli sto posvećen ekologiji i dr), koji će takođe okupiti veliki broj privrednika. Organizator Sajma je uvjereni u pozitivnu procjenu o značaju i vrijednosti ovog Sajma, te pozivaju sve zainteresovane da uzmu učešće kao izlagač. Opširnije na [www.zeps.com](http://www.zeps.com)

### 4. SAJAM ENERGETIKE OD 21. DO 25.9. – BUDVA



Pozivamo Vas da uzmete učešće na 4. Sajmu energetike, koji se od 21. do 25. septembra 2016. god, održava na Jadranskom sajmu u Budvi. Koristimo priliku da Vas podsjetimo na značajne popuste koje odabravamo na osnovu blagovremenog prijavljivanja, avansnih uplata i veličine zakupljenog prostora. Prijavni material za 4. Sajam energetike možete preuzeti na [www.jadranskisajam.co.me](http://www.jadranskisajam.co.me), a za sve dodatne infomacije, budite slobodni da nas kontaktirate: Đorđe Đokić - projekt menadžer, Tel: +38233410420, Fax: +38233452132, email: [energetika@jadranskisajam.co.me](mailto:energetika@jadranskisajam.co.me), poručuju iz Jadranskog sajma.

D.K.



Iz "Omega" doo Živinice...

## Reotvaranje Beko shopa u Tuzli



Nedavno je upriličeno reotvaranje ekskluzivnog Beko shopa u Tuzli, i od sada se nalazi na trećem spratu tržnog centra Omega u Tuzli. Beko shop u Tuzli ima dugu tradiciju, od samih početaka brenda Beko u BiH, i u Tuzli su naši kupci imali mogućnost kupovine Beko tehnike. S obzirom da je ovaj Beko shop najveći u BiH, sa najvećim asortimanom, i brojem zaposlenih, odlučili smo da ga renoviramo i našim kupcima pružimo još ljepši doživljaj prilikom kupovine kućanskih aparata. Ekskluzivni Beko shop u Tuzli, je urađen po novim standardima Beko i novom konceptu izlaganja robe. Beko shop se prostire na površini od 780 m<sup>2</sup> prodajnog prostora, veći je od prethodnog shopa i ukupna investicija uložena u opremanje prostora je 200.000 KM. Pouzdanost, kvalitet u izradi, energetske učinkovitosti i velike vrijednosti, samo su neki od razloga koji su sve više i više presudni kod odabira Beko kućanskih aparata. Beko je drugi po veličini brend u Evropi u sektoru bijele tehnike i predstavlja najbrže rastući brend na cjelokupnom evropskom tržištu u posljednjih sedam godina. Beko nudi asortiman pametnih rješenja da bi zadovoljio potrebe različitih ljudi, kultura i načina života u više od 100 zemalja širom sveta, nudeći ekološki prihvatljive kućanske aparate koji štede energiju sa pametnom tehnologijom i stilizovanim dizajnom. Jedna od prednosti kod kupovine Beko uređaja jeste jaka servisna mreža, sa preko 50 ovlaštenih servisa u BiH. Besplatna dostava, unošenje u stan, kupovina sa popustima, beskamatni krediti, kupovina na rate samo su neki od razloga zašto posjetiti Beko shop. Osim Beko proizvoda u Beko shopu se mogu naći i GRUNDIG proizvodi koji su svakako svima već dobro poznati, a polako se ovaj brand ponovo vraća i u našu zemlju sa sve većom ponudom televizora i elektronike. Na dan svečanog otvaranja Beko shopa Tuzla za prvih 50 kupaca pripremljeni su vrijedni pokloni kao i prvih 10 dana za sve kupce je obezbjeđen popust od 5 % na kompletan asortiman uz dodatni popust od 5% za gotovinsko plaćanje. Dobro došli u reotvoreni Beko shop Tuzla!

## Otvoren Beko shop u Banovićima

Otvoren je ekskluzivni Beko shop u Banovićima, ulica Božička Banovića br.6, u novoizgrađenom tržnom centru u Banovićima, kod sportske dvorane. Beko shop otvara firma Omega d.o.o., koja je ekskluzivni zastupnik brendova Beko, Grundig i Blomberg za BiH. Mi smo u Banovićima prisutni od 2013 godine, ali smo odlučili da ovaj Beko shop renoviramo, odnosno nađemo lokaciju pristupačniju za naše kupce. Ovo je dakle, ekskluzivni Beko shop u Banovićima, koji je rađen po novim standardima Beko i novom konceptu izlaganja robe. Beko shop se prostire na površini od 160 m<sup>2</sup> prodajnog prostora. Ukupna investicija uložena u opremanje prostora je 50.000 KM. Pouzdanost, kvalitet u izradi, energetske učinkovitosti i velike vrijednosti, samo su neki od razloga koji su sve više i više presudni kod odabira Beko kućanskih aparata. Ovaj shop nudi novi doživljaj kupovine kućanskih aparata. Beko je drugi po veličini brend u Evropi u sektoru bijele tehnike i predstavlja najbrže rastući brend na cjelokupnom evropskom tržištu u posljednjih sedam godina. Beko nudi asortiman pametnih rješenja da bi zadovoljio potrebe različitih ljudi, kultura i načina života u više od 100 zemalja širom sveta, nudeći ekološki prihvatljive kućanske aparate koji štede energiju sa pametnom tehnologijom i stilizovanim dizajnom. Jedna od prednosti kod kupovine Beko uređaja jeste jaka servisna mreža, sa preko 50 ovlaštenih servisa u BiH. Besplatna dostava, unošenje u stan, kupovina sa popustima, beskamatni krediti, kupovina na rate samo su neki od razloga zašto posjetiti Beko shop. Osim Beko proizvoda u Beko shopu se mogu naći i GRUNDIG proizvodi koji su svakako svima već dobro poznati, a polako se ovaj brand ponovo vraća i u našu zemlju sa sve većom ponudom televizora i elektronike. Na dan svečanog otvaranja Beko shopa Banovići za prvih 50 kupaca pripremljeni su vrijedni pokloni kao i prvih 10 dana za sve kupce je obezbjeđen popust od 5 % na kompletan asortiman uz dodatni popust od 5% za gotovinsko plaćanje. Dobro došli u novootvoreni Beko shop Banovići!



D.K.



Novosti iz kuće Nipex...

## Nipex predstavio NOVI Tiguan

Uprilичene prezentacije u Hotelu Orion i u Tuzli na Trgu slobode



**NAJPOVOLJNIJA VARIJANTA:**  
Tiguan 1.4 TSI Trendline 125KS  
- 43.900 KM

**OČEKIVANO NAJPRODAVANJA VARIJANTA:**  
Tiguan 2.0 TDI 4Motion Comfortline 150KS  
- 64.900 KM

U prekrasnom ambijentu ljetne bašte Hotela Orion, predstavljen je Novi Tiguan. Svečana promocija je organizovana u režiji Auto kuće Nipex. Za brojne zvanice Nipex je upriličio noć za pamćenje u kojoj su prisutni osim oficijelnog dijela mogli uživati i u posebno biranom muzičkom programu i kroz testne vožnje saznati sve novosti kojima novi Tiguan segment kompaktnih SUV-ova podiže na jedan sasvim novi nivo. Tiguan je prvi put predstavljen 2007. godine i prodan je u preko 2,7 miliona primjeraka. Druga generacija Tiguana oduševljava potpuno novim, elegantnim dizajnom, koji zrači snagom i suverenosti. Visina novog modela je smanjena za 33mm. Širina povećana za 30, a dužina za 60mm. Osovinski razmak je povećan za 77mm. Obzirom da je izvana narastao više je mjesta i u njegovoj unutrašnjosti. Putnici na zadnjoj klupi su dobili 29mm više prostora za koljena. I pored toga što su dimenzije povećane novi Tiguan je lakši za nekih 50 kg od svog prethodnika. Prtljažnik naravno profitira od činjenice da je stražnja klupa klizna i kad se pomakne prema naprijed volumen prtljažnika je 615 litara. Ponudu motora čine TDI i TSI motori od 125KS do 240KS. Sistem 4Motion je opcija kojom Tiguan osvaja on-road i off-road terene, a od mjenjača su dostupni ručni i DSG mjenjači. Novi Tiguan je u svim segmentima napravio primjetan pomak u odnosu na prethodnika. Bezbjednost putnika je još jedna istaknuta karakteristika novog Tiguana. U sva vozila su kao standardna oprema ugrađeni savremeni sigurnosni sistemi kao što su detekcija pješaka i autonomno kočenje u slučaju opasnosti od direktnih, ali i sekundarnih sudara. Enterijer krasi kvalitetni materijali i velika zapremina prostora. Sve je orijentisano prema vozaču i njegovim potrebama, a najzanimljiviji novi detalj predstavlja uvođenje virtualnih umjesto klasičnih instrumenata. Novi Tiguan spremno odgovara kako zahtjevima porodičnog i poslovnog, tako i zahtjevima avanturističkog života.



### Novi Tiguan na Trgu Slobode u Tuzli

Kao što su i najavili iz auto kuće Nipex, protekle subotu su organizovali nezaboravnu noć za građane Tuzle. Nipex je na par sati svoj izložbeni salon preselio na Trg Slobode i građani su imali priliku upoznati se sa atraktivnim Volkswagen modelima: od najmanjeg Up!-a do gorastasnog Amaroka. „Događaj smo organizovali prvenstveno kako bi smo Volkswagen još više približili ljudima i naravno kako bi smo predstavili novu zvijezdu iz Volkswagena: novi Tiguna. A ambijent u kojem smo izložili naše modele je još više istakao ljepotu istih. Za sve one koji imaju želju da testiraju neki od naših modela, svakako nam se mogu javiti i dogovoriti svoj termin i dobiti sve dodatne informacije, jer zbog velike posjećenosti u subotu nismo stigli odgovoriti na sva pitanja i posvetiti se svima onoliko koliko bi smo voljeli“, poručili su iz Nipexa...

D.K.





Iz Tuzlanskog kantona...

## Podrška lokalnim partnerstvima za zapošljavanje



Gradonačelnik Tuzle Jasmin Imamović, sa saradnicima, održao je radni sastanak sa predstavnicima firmi Intral BH d.o.o., Elektro agent d.o.o. Tuzla, Bosit Industry d.o.o. Tuzla, Lafat komerc d.o.o., te sa Udruženjem za regionalni razvoj NERDA. Ovo je prvi u nizu sastanaka, na kojima se Gradska uprava Tuzla, privredni subjekti, Udruženje za regionalni razvoj NERDA, Zavod za zapošljavanje i srednje škole Tuzle, pripremaju aplicirati na Javni poziv Međunarodne organizacije rada ILO – Podrška lokalnim partnerstvima za zapošljavanje u BiH. Cilj projekta je poticaj za zapošljavanje u oblastima metalske, obučarske i prehrambene proizvodnje kao i zapošljavanje u oblasti turizma i informacionih tehnologija. Ukupna vrijednost projekta je 4 miliona eura, od kojih su 3 miliona eura namijenjena za dodjelu bespovratnih sredstava lokalnim zajednicama u BiH. Gradonačelnik Imamović je tokom sastanka izjavio: „Kreirat ćemo dobar projekat, kako bismo se ozbiljnošću i trudom izborili za što veći iznos sredstava iz ovog fonda. Naš strateški cilj je povećanje broja zaposlenih i dostizanje stope zaposlenosti u Tuzli od 70%. Zahvalan sam međunarodnoj organizaciji rada što lokalnim zajednicama u BiH pruža priliku. Zahvaljujem našim partnerima iz privrede, koji su sa entuzijazmom prihvatili učešće u ovom projektu“.

## U Srebreniku otvoren centar za podršku poduzetništvu



Nakon svečanog otvaranja BIT Centra 4 u Tuzli, u Srebreniku je upriličeno otvaranje Centra za podršku poduzetništvu s inkubacionim kapacitetima (Biznis Centar Srebrenik), koji je uspostavljen u okviru projekta „Jačanje poslovnog okruženja za više malih i srednjih preduzeća u Tuzli i susjednim općinama - BEST4SMEs“. Oba objekta obnovljena su i opremljena u toku pomenutog projekta kojeg finansira Evropska unija s ciljem podrške lokalnom ekonomskom razvoju u BiH. Ukupna vrijednost projekta je 566.778,67 € od čega Evropska unija finansira 481.761,00 €. Projekat BEST4SMEs implementira

Udruženje za razvoj NERDA s partnerima i ima za cilj jačanje poslovnog okruženja putem poboljšanja poslovne infrastrukture i razvijanja usluga podrške za poduzetnike te unapređenja saradnje među općinama koje učestvuju u projektu – Tuzla, Srebrenik i Kalesija. BIT Centar 4 sa ca. 490 m<sup>2</sup> obnovljenog i opremljenog prostora, dio je infrastrukture namijenjene poslovnom inkubiranju postojećih i novoosnovanih preduzeća koja djeluju u oblasti informaciono-komunikacijskih tehnologija u okviru BIT Centra u Tuzli. Važno je istaći i finansijsku podršku Grada Tuzla, koji je za radove rekonstrukcije i adaptacije BIT Centra 4 izdvojio dodatnih 142.000 KM. Biznis Centar Srebrenik raspolaže sa ca. 190 m<sup>2</sup> obnovljenog i opremljenog prostora unutar kojeg će pružati usluge kvalitetnog, savremeno opremljenog kancelarijskog prostora te usluge poslovne podrške sa naglaskom na razvoj preduzeća i pojedinaca koji imaju poslovnu ideju kroz edukacije i umrežavanje, a sve u cilju razvoja i promovisanja poduzetništva na području općine Srebrenik i šire. Bitno je naglasiti da je ostvarena saradnja Općine Srebrenik i BIT Centra Tuzla uz podršku drugih partnera u projektu u svrhu prenosa iskustava BIT Centra kao jednog od dobrih primjera uspostavljanja i uspješnog upravljanja poslovnim inkubatorima kao instrumentima podrške. BIT Centar 4 u Tuzli zajedno su otvorili i prisutnima se obratili Martin Schieder, predstavnik Delegacije EU u BiH i gradonačelnik Tuzle, Jasmin Imamović, uz obraćanja direktora BIT Centra, Roberta Martića i direktora NERDA-e, Enesa Drljevića. Centar u Srebreniku otvorili su Nihad Omerović, načelnik Općine Srebrenik i Enes Drljević, u prisustvu predstavnika partnerskih općina, predstavnika nadležnih općinskih organa, kantonalnih ministarstava, akademske zajednice, domaćih preduzeća i međunarodnih projekata.

D.K.



Iz Gradske uprave Tuzla

## Tuzla u projektu općinskog okolišnog i ekonomskog upravljanja



Grad Tuzla je jedan od 18 gradova/općina u Bosni i Hercegovini, koji je izabran od strane Projektnog odbora Projekta općinskog okolišnog i ekonomskog upravljanja (MEG) za realizaciju aktivnosti u naredne četiri godine. MEG projekat finansira Vlada Švicarske, a provodi Razvojni program Ujedinjenih naroda – UNDP. Budžet za prvu fazu projekta iznosi približno 21 milion KM. MEG projekat je dvanaestogodišnja inicijativa koja ima svrhu pružiti podršku jedinicama lokalne samouprave u BiH, u područjima unapređenja demokratskog upravljanja i pružanja javnih usluga, posebno u sektorima privrede i okoliša. Namjera projekta je doprinijeti širenju mogućnosti ekonomskog razvoja lokalnih zajednica, kao i stvaranja povoljnijeg poslovnog okruženja radi poticaja privrednog rasta. U tom cilju, planirana je i saradnja sa privatnim sektorom, radi povećanja broja zaposlenih. Prva faza projekta će trajati četiri godine, u periodu od 2016.-2020. godine. Odabiru partnerskih gradova/općina prethodila je procjena spremnosti jedinica lokalne samouprave na administrativne i regulatorne promjene, te njihova snažna predanost realizaciji ovog sveobuhvatnog, strateškog i praktičnog projekta. Grad Tuzla je ispunio sve tražene kriterije i odabran je za učešće u projektu. Tokom realizacije projekta, Grad Tuzla će aplicirati za dodjelu sredstava za projekte iz oblasti privrede i zaštite okoliša, a sve sa ciljem bržeg ekonomskog razvoja, povećanja broja zaposlenih i unapređenja uslova života u Tuzli.

### PRODUŽEN JAVNI POZIV - ZAPOŠLJAVANJE U OBLASTI PODUZETNIŠTVA

Grad Tuzla je na osnovu člana 7. Programa aktivne politike zapošljavanja iz oblasti poduzetništva na području Grada Tuzla za 2016. godinu („Službeni glasnik GradaTuzla“, broj:5/16), ISlužba za ekonomski razvoj i društvene djelatnosti Grada Tuzla 17. juna objavio JAVNI POZIV za učešće u Programu aktivne politike zapošljavanja iz oblasti poduzetništva na području Grada Tuzla za 2016. godinu. Poziv ostaje otvoren do utroška sredstava. Kompletan tekst poziva na [www.tuzla.ba](http://www.tuzla.ba).

### OBAVJEŠTENJE ZA POLJOPRIVREDNE PROIZVOĐAČE



“Obavještavaju se poljoprivredni proizvođači sa područja grada Tuzla da je Vlada Tuzlanskog kantona donijela Program novčanih podrški u poljoprivredi i ruralnom razvoju u 2016. godini. S tim u vezi, poljoprivredni proizvođači sa područja grada Tuzla koji su upisani u Registar poljoprivrednih gazdinstava i Registar klijenata i koji su izvršili prijavu obima i vrste proizvodnje, za 2016 godinu, najkasnije do 31.03. 2016. godine, mogu početi sa podnošenjem zahtjeva za ostvarivanje prava na novčanu podršku. Prijave za ostvarivanje prava na novčanu podršku se podnose na propisanim obrascima koji se mogu preuzeti u Službi za ekonomski razvoj i društvene djelatnosti grada Tuzla, svakog radnog dana od 8 do 12 sati, a popunjene prijave sa potrebnom pratećom dokumentacijom se predaju u pisarnicu grada Tuzla. Sve informacije o raspoloživim oblicima novčane podrške u 2016. godini mogu se dobiti u Službi za ekonomski razvoj i društvene djelatnosti grada Tuzla, ili putem telefona 035/307-391”, saopćeno je iz Službe za ekonomski razvoj i društvene djelatnosti Grada Tuzle.

D.K.



Proširenje kapaciteta Business Innovation and Technology...

## Otvoren BIT Centar 4 u Tuzli

Saradnja EU, NERDE i BIT Centar, Grada Tuzla, Vlade Kraljevine Norveške i Elektrotehničkog fakulteta

U Tuzli je upriličeno svečano otvaranje BIT Centra 4 – objekta koji je obnovljen u okviru projekta BES4SMEs i koji predstavlja značajno proširenje kapaciteta postojećeg Business Innovation and Technology – BIT Centra. Prisutnima su se obratili Jasmin Imamović, gradonačelnik Tuzle, direktor BIT Centra, Robert Martić, direktor Udruženja za razvoj NERDA Enes Drlević, kao i predstavnik Delegacije Evropske unije u BiH, gđin. Martin Schieder, šef operacija za ekonomski razvoj, prirodne resurse i infrastrukturu.



“Danas smo sa predstavnicima EU, NERDE i BIT Centra, svečano otvorili 4. razvojnu fazu BIT Centra Tuzla. BIT centar je osnovala Općina odnosno Grad Tuzla, zajedno sa Vladom Kraljevine Norveške i Elektrotehničkim fakultetom, 2005. godine. Naš cilj bio je stvaranje uslova za otvaranje novih radnih mjesta za mlade visokoobrazovane ljude, koji se bave programiranjem pretežno za strano tržište ali i za tržište u BiH, kako bi ti mladi ljudi prodavali svoje znanje inostranstvu a ostali živjeti i raditi u Tuzli. Od 2005. godine do danas, otvorili smo prvu, drugu i treću fazu BIT centra. Danas, zahvaljujući podršci Evropske unije, koja iznosi 481.761 eura, što je 85% u ukupnoj vrijednosti projekta, od 566.778,67 eura, otvaramo 4. fazu, kojom su stvoreni uvjeti za najmanje 30 (od 1.7.2016. 38) novih radnih mjesta za mlade programere iz Tuzle, koji će, kao i drugi, raditi 95% za tržište EU, Amerike, Japana, Australije itd. Ovaj projekat implementira NERDA. Odmah poslije ove svečanosti, nastavljamo sa 5. fazom tj. BIT Centar 5, u prostoru obnovljene zgrade Grafičara. U tom prostoru i toj, 5.fazi, još ovoga ljeta, očekujemo još najmnje 60 radnih mjesta. Ova 2016. godina, biće upamćena kao godina velikog uspjeha, pravog trijumfa BIT Centra, najboljeg tehnološkog parka na Balkanu. Od 2005. godine do danas, i do konca ovoga ljeta, ostvareni su svi naši strateški ciljevi.

BIT Centar je samoodrživ i prerastao je već poslije svoje 2. faze, u Javno preduzeće Grada Tuzla, u preduzeće u vlasništvu svih građana Tuzle, i to je definitivno velika i nova TUZLANSKA VRIJEDNOST. Do sada su stvoreni uslovi za 400 radnih mjesta, na kojima rade mladi visokoobrazovani ljudi. Tome dodajemo broj od današnjih najmanje 30 i još najmanje 60 u toku ovoga ljeta.



Firme u BIT centru 95% programiraju za tržište EU, Amerike, Australije, Azije itd. čime je ostvaren cilj da mladi visokoobrazovani ljudi ne idu u inostranstvo, nego ovdje žive i rade za svjetsko tržište znanja i u Bosnu i Hercegovinu donose svjetske pare. BIT centar izvozi znanje mladih ljudi iz BiH i Tuzle. BIT centar iz godine u godinu raste, u njemu je educirano preko 5000 mladih ljudi, odakle se regrutuju novi programeri, za širenje postojećih i stvaranje novih programerskih preduzeća, sposobnih za nadmetanje na svjetskom tržištu znanja. Danas realizujemo trideset novih radnih mjesta. Prvog jula biće ih 38. U toku ovoga ljeta ćemo realizovati još najmanje 60, što je ukupno, oko stotinu. JP BIT Centar Tuzla, je najbolji tehnološki park na Balkanu i predstavlja VELIKU BOSANSKOHERCEGOVAČKU I TUZLANSKU VRIJEDNOST”, rekao je Jasmin Imamović, gradonačelnik Grada Tuzle.



Dom penzionera Tuzla sa novim sadržajima...

## U Domu penzionera Tuzla uskoro savremena ambulanta



Tuzlanski Dom penzionera uskoro će postati bogatiji za savremenu ambulantu porodične medicine. Radovi su u toku, a pored korisnika Doma, nova ambulanta bit će na raspolaganju i građanima naselja Kula, koji do sada nisu imali dostupnu ovakvu jednu zdravstvenu ustanovu u neposrednoj blizini, najavljeno je na FB profilu Hotela Dom penzionera Tuzla. **“U sklopu realizacije projekta poboljšanja usluga korisnicima Doma penzionera, zajedno sa Gradskom upravom, Domom zdravlja Tuzla i Gradskim apotekama ušli smo u projekat, a to je da otvorimo jednu ovakvu ambulantu, koja će biti namijenjena i građanima mjesne zajednice Kula”,** kazao je Mirsad Bakalović, direktor Doma penzionera Tuzla. Na prostoru od 150 kvadratnih metara tako će uskoro biti opremljena moderna ordinacija ali i zdravstvena apoteka, čime će usluga biti potpuna. Na taj način, ovo će biti jedna od najvećih ambulanti porodične medicine na području grada. **“Građevinski radovi u vidu pregrađivanja prostorija i postavljanja instalacija grijanja već su gotovi. Ambulanta će imati dvije ordinacije u kojima će raditi dva doktora, te prostorija za intervencije, a radno vrijeme će biti isto kao i u drugim ambulantama, dok će korisnici Doma imati i dodatne termine”** istakao je Bakalović. Završetak radova, te opremanje nove zdravstvene ustanove, trebalo biti završeno za nešto više od mjesec dana, tako da bi nova ambulanta mogla biti otvorena već početkom septembra.

Nerda organizovala 2. tematsku konferenciju o iskustvima u razvoju IKT...

### „Mehanizmi podrške u razvoju poduzetništva i primjeri dobre prakse u sektoru informaciono – komunikacionih tehnologija“



Udruženje za razvoj Nerda je organizovalo 2. Tematsku konferenciju: „Mehanizmi podrške u razvoju poduzetništva i primjeri dobre prakse u sektoru informaciono – komunikacionih tehnologija“. Riječ je o aktivnosti koja je realizovana u okviru projekta „Jačanje poslovnog okruženja za više malih i srednjih preduzeća u Tuzli i susjednim opštinama – BEST4SMEs“. Cilj je bio sumirati realizovano u proteklom periodu, što se prije svega odnosi na rekonstrukciju 3 objekta, među kojima je Bit centar 4 u Tuzli i po jedan inkubacioni centar u Kalesiji i Srebreniku. O iskustvima u razvoju malih i srednjih preduzeća u Hrvatskoj, tačnije Osijeku govorila je profesorica Sunčica Oberman – Peterka sa Ekonomskog fakulteta Sveučilišta u Osijeku. Ona je istakla da Tuzla i osijek imaju mnogo sličnosti i da se iskustva Osijeka u razvoju malih i srednjih preduzeća, mogu primjeniti i na ovom području. U okviru istog projekta naredne sedmice će biti organizovan i Dan otvorenih vrata Bit centra, tokom kojeg će biti predstavljene sve do sada realizovane aktivnosti, kao i sam centar.

D.K.



Iz Vlade Tuzlanskog kantona...

## Poticaaj otvaranju novih radnih mjesta

Potpisani ugovori o dodjeli sredstava sa predstavnicima devet kompanija sa najboljim investicionim programima



Ministar industrije, energetike i rudarstva Tuzlanskog kantona Srđan Mićanović potpisao je ugovore o dodjeli sredstava sa predstavnicima devet kompanija sa najboljim investicionim programima. Riječ je realizaciji Programa raspodjele sredstava za intervencije javnim preduzećima i privrednim društvima. Na objavljeni javni poziv prijavilo se više od 30 kompanija. **„Vlada TK je obezbjedila 300 000 KM grant sredstava a u narednih 6 mjeseci od toga očekujemo investiciju oko 2 miliona KM. Ovo su bespovratna sredstva a zauzvrat firme će investirati i zaposliti nova 43 radnika. Ovo je pomoć Vlade TK da se firme šire, da uzimaju nove alate, opremu, da povećavaju nivo proizvodnje a samim tim i da zapošljavaju veći broj osoba”**, kazao je ovom prilikom resorni ministar Mićanović. Ukupna sredstva podijeljena su na devet, takozvanih, grantova pa je danas šest preduzeća dobilo po 25.000 a 3 po 50.000 KM. Prema programu sredstva su, kao pomoć u investiranju i podrška i poticaj novom upošljavanju, odobrena privrednim subjektima „Bita-Invest” d.o.o. Tuzla, „Bosna-Niless” d.o.o. Lukavac, „Gramat” d.o.o. Gračanica, „Kanetex” d.o.o. Gračanica, „Klimainvest” d.o.o. Banovići i „Kuvvet” d.o.o. Kalesija, „Lafat komerc” d.o.o. Kalesija, „Plastex” d.o.o. Gračanica i „Primateh” d.o.o. Gradačac. Zijad Burgić, predstavnik kompanije Bosna Niless d.o.o Lukavac, firme koja se bavi mašinskom obradom metala i postoji 20 godina, zahvalio se na novčanoj pomoći te istaknuo da će nepovratna sredstva dobro doći da kupe skuplje mašine nego što su planirali te zaposle nove radnike. Izvršni direktor firme „Lafat komerc” doo Kalesija Eldin Brkić istaknuo je da je to zajednička investicija Vlade TK, resornog Ministarstva i kompanije „Lafat komerc”: **„Ovim ulaganjem povećavamo konkurentnost našeg proizvoda i proizvodnje. Zapošljavanjem novih deset radnika i unaprjeđenjem proizvodnje postignut ćemo veći kvalitet i biti konkurentniji na domaćem tržištu a nama je primarni cilj biti konkurentniji na tržištu zapadne Evrope jer mi izvozimo više od 60 % proizvodnje”**. Realizaciju investicionih programa i poticaj otvaranju novih radnih mjesta u realnom sektoru na području TK Ministarstvo industrije, energetike i rudarstva koordiniralo je sa kantonalnim komorama za privredu i obrt Tuzlanskog kantona.



Podrška kampanji...

## „Iz ljubavi prema domaćem“

Ministar razvoja i poduzetništva Tuzlanskog kantona Nermin Hodžić i ministar trgovine turizma i saobraćaja Mirsad Gluhić prisustvovali su današnjem događaju u okviru kampanje „Iz ljubavi prema domaćem“. Kampanju organizuje „Kreativa marketing“ doo Tuzla uz podršku najvećeg trgovačkog lanca u našoj zemlji „Bingo“ doo Tuzla. Na poziv organizatora za sada se odazvalo osam domaćih proizvođača, koji su prepoznali važnost i smisao kampanje. Cilj je da u narednom periodu što više domaćih brendova bude zastupljeno u kampanji. Svi učesnici kampanje „Iz ljubavi prema domaćem“, pozvali su građane da kupovinom proizvoda sa kodom 387, pomognu novom zapošljavanju i razvoju domaće privrede. Pored Tuzle, aktivnosti su realizovane u Živinicama, Gračanici, Gradačcu, Lukavcu, Srebreniku i Kalesiji.

D.K.



Novosti iz Međunarodnog aerodroma Tuzla...

## Tuzlanski aerodrom očekuje više od 300 hiljada putnika u 2016.

Planom za 2016. godinu predviđen je promet od 305.000 putnika, a ostvareni rezultat za prvih šest mjeseci ove godine je 170.000 putnika



Sa Međunarodnog aerodroma Tuzla (MAT) u 2015. godini prevezeno je više od 256.000 putnika, što je za 100.000 putnika više u odnosu na broj putnika u 2014. godini – potvrdio je za Fenu direktor Međunarodnog aerodroma Tuzla Rifet Karasalihović. Po njegovim riječima, planom za 2016. godinu predviđen je promet od 305.000 putnika, a ostvareni rezultat za prvih šest mjeseci ove godine je 170.000 putnika. Karasalihović naglašava da je tuzlanski aerodrom u 2015. godini imao 45 zaposlenih radnika, a u ovog godini ih ima 150, što je više od 100 novih radnih mjesta za pola godine. Pored postojećih letova na osam destinacija na koje se saobraća s ovog aerodroma, a to su Stockholm, Gothenburg, Malme, Dortmund, Frankfurt Hahn, Memmingen, Basel i Eindhoven, do kraja godine avio kompanija Wizz Air najavila je letove za dvije nove destinacije – Berlin i Billund. Karasalihović navodi da je iz budžeta kantonalne vlade za ovu godinu predviđeno pola miliona KM za kapitalna ulaganja te da je u prvom tromjesečju već povučen iznos od 250.000 KM za opsluživanje kargo saobraćaja koji je odnedavno uspostavljen. Ističe također da su kapitalna ulaganja federalne vlade za ovaj aerodrom u tekućoj godini 1.570.000 KM, od kojih je 1.300.000 KM namijenjeno za projekt nadogradnje prilaznih svjetala na MAT-u koji je u toku, a ostatak sredstava za kupovinu aerodromske opreme. S ovog aerodroma u protekla dva mjeseca ostvareno je 35 cargo letova avionom Airbus 330 turske kompanije Turkish Cargo, koji djeluje u sastavu Turkis Airlinesa, a Karasalihović izražava zadovoljstvo saradnjom sa spomenutom kompanijom.

## Otvorena dionica puta koji vodi ka Aerodromu Tuzla

Svečano otvorenje dijela sobračajnice na regionalnom putu R-469 Živinice-Međaš u naselju Dubrave Donje u Živinicama



Delegacija Vlade Tuzlanskog kantona prisustvovala je svečanom otvorenju dijela sobračajnice na regionalnom putu R-469 Živinice-Međaš u naselju Dubrave Donje u Živinicama. Ministar unutrašnjih poslova Husein Topčagić i ministar trgovine, turizma i saobraćaja Mirsad Gluhić ovom su prilikom presjekli vrpcu saobraćajnice u dužini od 900 metara. Radi se o projektu Direkcije regionalnih cesta Tuzlanskog kantona čija je vrijednost 570 hiljada KM. „Ova saobraćajnica je jedna od najbitnijih komponenti za razvoj turizma”, rekao je ovom prilikom ministar Gluhić napominjući da je Aerodrom u Tuzli drugi aerodrom u državi po broju prevezenih putnika. Riječ je o regionalnoj cesti koja ima veliki značaj za općinu Živinice, ali i za Tuzlanski kanton, prvenstveno zbog toga što vodi ka Međunarodnom aerodromu Tuzla, istaknuto je ovom prilikom. “Nastavljamo dalje sa izgradnjom puta u dužini od 700 metara na dijelu gdje je raskršće koje vodi do aerodroma. Projekat će da košta oko 450 hiljada KM i s njim ćemo krenuti u narednih mjesec dana”, rekao je Agan Delibajrić, direktor JU Direkcija regionalnih cesta TK. “Opredjeljenje Vlade TK na čelu sa premijerom Begom Gutićem je stvaranje što boljih uslova za građane TK tako da ćemo kroz ove regionalne puteve, kojih imamo oko 330 km na području TK, nastojati da stvorimo povoljnije uslove za sve one koji učestvuju u saobraćaju”, poručio je na svečanosti Husein Topčagić, ministar MUP-a TK.


D.K.



## Privredna kretanja u Tuzlanskom Kantonu




U periodu I - IV 2016. godine, ostvaren je rast obima industrijske proizvodnje u odnosu na isti period 2015. godine u vrijednosti od 7%. Prema glavnim industrijskim grupacijama, rast od 16,5% je ostvaren u proizvodnji intermedijarnih proizvoda, 8% kod trajnih proizvoda za široku potrošnju, 6,1% netrajni proizvodi za široku potrošnju i 4,9% u proizvodnji energije, dok je došlo do pada od 1,4% kod kapitalnih proizvoda.

### Industrijska proizvodnja (%)



Industrijska proizvodnja I-IV 2016/ I-IV 2015 (%)

U prvom polugodištu 2016. godine iz Tuzlanskog kantona ukupno je izvezeno proizvoda u vrijednosti od 625.390.000 KM što je u odnosu na isti period 2015. godine rast od 3%. U isto vrijeme je došlo do rasta uvoza od 4,6%, te je uvezeno roba u vrijednosti od 726.771.000 KM. Pokrivenost uvoza izvozom je 86,05%, a u istom periodu prošle godine je bila 87,38%. Vanjskotrgovinski deficit je 101.381.000 KM. Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija.




Prema podacima Federalnog zavoda za zapošljavanje, u maju 2016. godine u Tuzlanskom kantonu je bilo zaposleno ukupno 84.890 osoba. U odnosu na prosjek 2015. godine broj zaposlenih veći je za 1,8%. Prerađivačka industrija i trgovina zapošljavaju najviše osoba. U istom mjesecu registrovano je 91.989 nezaposlenih osoba. Prema stručnoj spremi, najviše je KV i NKV radnika, a slijede osobe sa srednjom stručnom spremom.

Prosječna neto plata u Tuzlanskom kantonu je iznosila 732,00 KM što je ispod prosjeka Federacije BiH. U odnosu na kantonalni prosjek iz 2015. godine, neto plaća je manja za 0,1%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, dok su najniže prosječne neto plate u građevinarstvu.

STRUČNA SLUŽBA KOMORE



THE CHAMBER OF ECONOMY OF TUZLA CANTON



**TUZLA CANTON**

Your Business Partner

